

STJÓRNARTÍÐINDI B 74 – 2001

18. júlí 2001

1373

Nr. 553

REGLUR

um veitingu leyfa til leitar að kolvetni.

I. KAFLI

Gildissvið og skilgreiningar.

1. gr.

Gildissvið.

Reglur þessar taka til veitingar leyfa til leitar að kolvetni í landhelgi, efnahagslögsögu og landgrunni Íslands samkvæmt lögum nr. 13/2001, um leit, rannsóknir og vinnslu kolvetnis.

Um leit samkvæmt reglum þessum gilda einnig önnur lög og reglur sem varða leit að kolvetni.

2. gr.

Skilgreiningar.

Leit merkir í reglum þessum könnun á almennum skilyrðum til myndunar og varðveislu kolvetnis, afmörkun svæða þar sem slík skilyrði eru hagstæð og leit að kolvetnisauðlindum með mælingum úr lofti, á láði, legi eða hafsbotni eða með sýnatöku úr efstu jarðlögum hafsbotsins, t.d. með grunnum borunum eða töku kjarna.

II. KAFLI

Umsókn um leyfi til leitar að kolvetni.

3. gr.

Leyfi til leitar.

Íðnaðarráðherra veitir leyfi til leitar að kolvetni með rannsóknir og vinnslu að markmiði.

Áður en íðnaðarráðherra veitir leyfi til leitar skal hann leita umsagnar sjávarútvegsráðuneytis og umhverfissráðuneytis.

4. gr.

Umsókn.

Umsókn um leitarleyfi skal senda til íðnaðarráðuneytis og skal eftirfarandi koma þar skýrt fram:

1. Nafn umsækjanda eða umsækjenda, ef þeir eru fleiri saman, heimilisfang og þjóðerni.
2. Staðarmörk svæðis sem sótt er um.
3. Tilgangur með öflun leyfis.
4. Ítarleg útskýring á fyrirhugaðri starfsemi umsækjenda.

Íðnaðarráðuneytið getur óskað frekari upplýsinga en um getur í 1. mgr.

5. gr.

Svæðið sem leyfi tekur til.

Í leyfi skal tilgreina svæðið sem leyfi tekur til.

Leyfi gildir ekki á svæðum þar sem einkaréttur til rannsóknar eða vinnslu hefur verið veittur eða síðar kann að verða veittur samkvæmt lögum nr. 13/2001, um leit, rannsóknir og vinnslu kolvetnis nema með samþykki einkaréttarhafa og iðnaðarráðuneytis.

6. gr.

Hvað leyfi felur í sér.

Leyfi heimilar leyfishafa leit að kolvetni með eftirtöldum aðferðum:

1. Segulmælingum.
2. Þyngdarmælingum.
3. Jarðsveiflumælingum.
4. Mælingum á varmaflæði.
5. Mælingum á náttúrulegri geislavirkni.
6. Jarðefnafræðilegum aðferðum.
7. Sýnatöku af jarðlögum hafsbotsins án borunar.
8. Borun eftir sýnum af jarðlögum hafsbotsins allt að 25 metrum niður fyrir hafsbotn.

Iðnaðarráðuneytið getur heimilað aðrar leitaráðferðir samkvæmt beiðni umsækjanda.

Leyfi felur í sér heimild til borunar í þeim tilgangi að afla upplýsinga um almenn skilyrði til myndunar og varðveislu kolvetnis. Feli leit í sér dýpri borun en 25 metra niður fyrir hafsbotn skal senda iðnaðarráðuneyti sérstaka umsókn með þeim upplýsingum sem ráðuneytið telur nauðsynlegar.

Leyfi til leitar að kolvetni veitir leyfishafa ekki rétt til borunar eftir kolvetni, vinnslu kolvetnis eða forgangsrétt til að fá slíkt leyfi síðar.

7. gr.

Gildistími leyfis.

Leyfi til leitar að kolvetni skal veitt til þriggja ára í senn nema styttri leyfistími sé nefndur í leyfinu.

Leyfishafi getur hvenær sem er afsalað sér leyfi með skriflegri tilkynningu til iðnaðarráðuneytisins.

8. gr.

Gjöld.

Áður en umsókn um leitarleyfi er tekin til umfjöllunar skal umsækjandi greiða 100.000 kr. umsóknargjald í ríkissjóð.

Leyfishafi skal greiða 750.000 kr. leyfisgjald í ríkissjóð fyrir hvert ár sem leyfi er í gildi. Gjaldldagi árgjalds, sem gjaldfellur í fyrsta sinn eftir að leitarleyfi er veitt, er 15 dögum eftir að leyfi er veitt. Gjaldldagi síðari árgjalda er síðasti dagur fyrsta almanaksmánaðar í gjaldári.

Leyfi fellur úr gildi ef leyfisgjald er ekki greitt á tilsettum tíma.

III. KAFLI

Eftirlit.

9. gr.

Fulltrúum Orkustofnunar eða annarra stjórnvalda samkvæmt ákvörðun iðnaðarráðuneytis er heimilt að vera til staðar og halda uppi eftirliti við leit og aðra starfsemi sem fellur undir leyfi á hvaða stigi starfseminnar sem er.

Fulltrúarnir hafa rétt til þess að fylgjast með allri starfsemi leyfishafa og krefja hann upplýsinga um alla þætti starfsemi hans samkvæmt leyfi.

Fulltrúunum skal heimill aðgangur að fjarskiptabúnaði leyfishafa eftir þörfum.

Leyfishafi skal bera allan kostnað af ferðum og upphaldi fulltrúanna vegna eftirlitsins.

IV. KAFLI
Tilkynningaskylda.

10. gr.

Tilkynning um fyrirhugaða leit.

Sérhvern leiðangur til leitar að kolvetni á eða yfir íslensku hafsvæði skal tilkynna til Orkustofnunar eigi síðar en fimm vikum áður en hann hefst.

Skipaleiðangur skal einnig tilkynna til Landhelgisgæslunnar innan frests skv. 1. mgr. Í tilkynningu skal eftirfarandi koma fram:

1. Að leiðangurinn leiti kolvetnis samkvæmt leyfi.
2. Upplýsingar um leyfishafann, verktaka við leitina, mælingaskipið og hvernig unnt sé að hafa samband við þessa aðila.
3. Hvort fyrirhugað sé að beita þjónustu- eða stuðningsfarartækjum við leiðangurinn.
4. Stutt lýsing á tilgangi leiðangursins.
5. Hornhnit leitarsvæðisins.
6. Upplýsingar um lágmarksathafnasvæði skipsins við mælingar.

Leiðangur með loftfari skal einnig tilkynna til Flugmálastjórnar Íslands og Landhelgisgæslunnar innan frests skv. 1. mgr. Í tilkynningu skal koma fram:

1. Að leiðangurinn leiti kolvetnis samkvæmt leyfi.
2. Upplýsingar um leyfishafann, verktaka við leitina, loftfarið og hvernig unnt sé að hafa samband við þessa aðila.
3. Hvort fyrirhugað sé að beita þjónustu- eða stuðningsfarartækjum við leiðangurinn.
4. Stutt lýsing á tilgangi leiðangursins.
5. Hornhnit leitarsvæðisins.
6. Upplýsingar um flughæð við mælingar.

Ef loftfar er með sérstakt lofthæfisskírteini skal ábyrgðaraðili þess (eigandi/flugrekandi) senda Flugmálastjórn Íslands afrit af því og tryggingaskírteini loftfarsins innan frests skv. 1. mgr.

Orkustofnun er heimilt að veita undanþágu frá fresti skv. 1. mgr.

11. gr.

Tilkynning um að leit með skipi sé að hefjast.

Skipaleiðangur skal tilkynna til Orkustofnunar og Landhelgisgæslunnar.

Í tilkynningu skal eftirfarandi koma fram:

1. Að leiðangurinn leiti kolvetnis samkvæmt leyfi.
2. Nafn leyfishafa.
3. Nafn verktaka.
4. Nafn skips.
5. Einkennisstafir.
6. Radíócallmerki.
7. Inmarsat fjarskiptanúmer fyrir síma, símbréf og tölvupóst.
8. Þjóðerni.
9. Tegund.
10. Dagsetning.
11. Tími.
12. Staðsetning.
13. Síðasta viðkomuhöfn áður en komið er inn á íslenskt hafsvæði (höfn og land).
14. Fyrsta viðkomuhöfn eftir að farið verður af íslensku hafsvæði (höfn og land).
15. Áætluð tímasetning og staðsetning við komu á leitarsvæðið.
16. Upplýsingar um fyrirhugaðar komur á íslenskar hafnir (hafnir og áætlaða komu-tíma).

17. Nafn og heimilisfang umboðsmanns á Íslandi.

Ef leiðangur hefst utan Íslands eða er farinn með erlendu skipi skal tilkynna hann þegar komið er inn á íslenskt hafsvæði, þ.e. við ytri mörk efnahagslögsögunnar eða við ytri mörk landgrunnins, þar sem það nær út fyrir efnahagslögsöguna. Að öðrum kosti skal tilkynna leiðangur þegar lagt er af stað úr íslenskri höfn.

Í tilkynningu má óska eftir því við Landhelgisgæsluna að hún sendi út viðvörun um fyrirhugaðar mælingar til annarra sjófarenda á leitarsvæðinu.

Komur til íslenskra hafna skal tilkynna Landhelgisgæslunni og öðrum íslenskum yfirvöldum með a.m.k. 24 klst. fyrirvara, helst með atbeina umboðsmanns leyfishafa.

12. gr.

Tilkynning um að leit með loftfari sé að hefjast.

Leiðangur með loftfari skal tilkynna til Orkustofnunar, Flugmálastjórnar Íslands og Landhelgisgæslunnar.

Í tilkynningu skal eftirfarandi koma fram:

1. Að leiðangurinn leiti kolvetnis samkvæmt leyfi.
2. Nafn leyfishafa.
3. Nafn verktaka.
4. Einkennisstafir loftfars.
5. Kallmerki.
6. Dagsetning.
7. Tími.
8. Staðsetning.
9. Áætluð tímasetning og staðsetning við komu á leitarsvæðið.

Ef leiðangur hefst utan Íslands eða er farinn með erlendu loftfari skal tilkynna hann þegar komið er inn yfir íslenskt hafsvæði, þ.e. við ytri mörk efnahagslögsögunnar eða við ytri mörk landgrunnins, þar sem það nær út fyrir efnahagslögsöguna. Að öðrum kosti skal tilkynna leiðangur þegar lagt er af stað frá íslenskum flugvelli.

Fari leiðangur inn á íslenska flugupplýsingasvæðið (OCA/BIRD) skal leggja flugáætlun fyrir Flugmálastjórn Íslands eigi síðar en einni klst. áður en komið er inn á svæðið.

13. gr.

Tilkynning um komu og brottför af leitarsvæði.

Komu og brottför leitarfars og þjónustu- eða stuðningsfarartækja þess af leitarsvæði skal tilkynna til Orkustofnunar. Leiðangur með loftfari skal einnig tilkynna til Flugmálastjórnar Íslands og Landhelgisgæslunnar, en skipaleiðangur til Landhelgisgæslunnar.

Í tilkynningu skal koma fram einkennismerki farartækis, kallmerki og staðsetning. Við komu á leitarsvæði skal tilkynning einnig innihalda upplýsingar um áætlaðar ferðir leitarfars næstu 24 klst. Ef um skipaleiðangur er að ræða má í tilkynningu óska eftir því við Landhelgisgæsluna að hún sendi út viðvörun um fyrirhugaðar mælingar til annarra sjófarenda á leitarsvæðinu.

14. gr.

Dagleg tilkynning.

Á hverjum degi kl. 11.00 – 15.00 að miðtíma Greenwich skal tilkynna um staðsetningu og áætlaðar ferðir leitarfars næstu 24 klst. Skal tilkynning send til Flugmálastjórnar Íslands og Landhelgisgæslunnar ef um leiðangur með loftfari er að ræða, en til Landhelgisgæslunnar ef um skipaleiðangur er að ræða.

V. KAFLI**Skil á skýrslum og gögnum.**

15. gr.

Meðan á leitarleiðangri stendur á leitarsvæði skal leyfishafi senda Orkustofnun vikulega skýrslu með nákvæmu yfirliti um framkvæmd leitarinnar með símbréfi eða tölvupósti.

Eigi síðar en tveimur mánuðum eftir að leitarleiðangri lýkur skal leyfishafi gefa Orkustofnun skýrslu um hann. Í skýrslunni skal koma fram nákvæmt yfirlit um leiðangurinn, þar með talið lýsing á framkvæmd leitarinnar, leitarbúnaði, mælingum og töku sýna.

Leyfishafi skal fyrir hvert almanaksár gefa Orkustofnun skýrslur um allar jarðfræðilegar, jarðeðlisfræðilegar og jarðefnafræðilegar athuganir sem gerðar hafa verið á svæðinu sem leyfið tekur til. Skýrslurnar skal senda Orkustofnun svo fljótt sem auðið er og eigi síðar en 1. apríl árið eftir að athuganirnar fóru fram. Skýrslunum skulu fylgja afrit af gögnum, greiningum og niðurstöðum gagnavinnslu samkvæmt nánari fyrirmælum Orkustofnunar. Leyfishafi skal afhenda Orkustofnun jarðfræðileg eða jarðefnafræðileg sýni óski hún þess.

Iðnaðarráðherra getur veitt undanþágu frá skilafresti skv. 3. mgr.

Fari fram endurúrvinnsla á gögnum sem aflað hefur verið samkvæmt leyfi skal leyfishafi innan tveggja mánaða frá því að endurúrvinnslunni lauk skila skýrslu um hana ásamt afriti af hinum endurunnu gögnum til Orkustofnunar samkvæmt nánari fyrirmælum hennar. Þessi skylda helst eftir að leyfi fellur úr gildi.

Leyfishafi skal varðveita öll frumgögn sem aflað hefur verið samkvæmt leyfi í a.m.k. eitt ár eftir að leyfi fellur úr gildi. Ákveði leyfishafi að losa sig við frumgögnin að þessum tíma loknum skal hann bjóða Orkustofnun að taka þau í sínar vörslur áður en þeim er eytt.

Leyfishafi skal veita Orkustofnun upplýsingar um hverjum hafi verið seldar eða afhentar skýrslur eða gögn samkvæmt grein þessari óski hún þess.

Leyfishafi skal uppfylla allar kvaðir samkvæmt grein þessari Orkustofnun að kostnaðarlausu.

VI. KAFLI**Þagnarskylda.**

16. gr.

Upplýsingum sem leyfishafi afhendir skv. 15. gr. skal halda leyndum í 10 ár frá lokum þess árs þegar gagnanna var aflað.

Ákvæði 1. mgr. kemur þó ekki í veg fyrir að Orkustofnun eða önnur stjórnvöld samkvæmt ákvörðun iðnaðarráðuneytis:

1. Veiti almennar upplýsingar í tengslum við opinberar tilkynningar, ársskýrslur og annað þess háttar er varðar kolvetnisstarfsemi.
2. Afhendi upplýsingar vegna samstarfs um kolvetnisstarfsemi við annað ríki, svo fremi svipaðar reglur um upplýsingaleynd gildi í því ríki.
3. Nýti sér upplýsingar til aukins skilnings á jarðlögum og auðlindum hafsbotnsins.

VII. KAFLI**Umhverfissjónarmið.**

17. gr.

Við leit skal leyfishafi gæta þess að framkvæmdir valdi hvorki mönnum né munum hættu eða tjóni. Jafnframt skal leyfishafi gæta þess að valda ekki mengun eða spjöllum á umhverfi.

VIII. KAFLI**Ýmis ákvæði.**

18. gr.

Afturköllun leyfis.

Iðnaðarráðherra getur afturkallað leyfi samkvæmt reglum þessum ef skilyrði þess eru

ekki uppfyllt. Ef leyfishafi hlítir ekki skilyrðum þeim, sem sett eru í leyfi, skal iðnaðarráðherra veita honum skriflega aðvörun og frest til úrbóta. Sinni leyfishafi ekki slíkri aðvörun skal afturkalla leyfið.

Heimilt er að afturkalla leyfi ef bú leyfishafa er tekið til gjaldþrotaskipta eða hann leitar nauðasamninga.

19. gr.

Framsal leyfis.

Leyfi til leitar samkvæmt reglum þessum verður hvorki framselt né sett til tryggingar fjárskuldbindingum nema að fengnu samþykki iðnaðarráðherra.

20. gr.

Refsingar.

Brot gegn reglum þessum varða sektum skv. 32. gr. laga nr. 13/2001, um leit, rannsóknir og vinnslu kolvetnis, nema þyngri refsingu varði samkvæmt öðrum lögum. Dæma má jafnt lögaðila sem einstakling til greiðslu sekta vegna brota á reglum þessum. Gera má lögaðila sekt fyrir brot á reglum þessum án tillits til þess hvort sök verður sönnuð á fyrirsvarsmann eða starfsmann lögaðilans.

21. gr.

Gildistaka.

Reglur þessar, sem settar eru með heimild í 6. gr. laga nr. 13/2001, um leit, rannsóknir og vinnslu kolvetnis, öðlast þegar gildi.

Iðnaðarráðuneytinu, 18. júlí 2001.

Valgerður Sverrisdóttir.

Atli Freyr Guðmundsson.

SAMÞYKKT

um búfjárhald í Mosfellsbæ.

1. gr.

Markmið bæjarstjórnar Mosfellsbæjar með samþykkt þessari er að tryggja sem best skipulag, stjórn og eftirlit með búfjárhaldi í Mosfellsbæ, með ákvæðum um vörsluskyldu og ábyrgð allra búfjáreigenda.

Með búfjárhaldi samkvæmt samþykkt þessari er átt við alifugla-, geita-, hrossa-, kanínu-, loðdýra-, nautgripa-, sauðfjár- og svínahald, sbr. nánar 2. gr. laga nr. 46/1991 um búfjárhald, forðagæslu o.fl., með síðari breytingum. Samþykktin gildir um allt búfjárhald í Mosfellsbæ, bæði á lögbýlum og utan lögbýla.

Umhverfisnefnd og búfjárefnirlitsmaður fara með eftirlit með framkvæmd samþykktarinnar fyrir hönd bæjarstjórnar.

2. gr.

Til búfjárhalds í Mosfellsbæ þarf leyfi bæjarstjórnar, nema eigandi búfjárens sé ábúandi lögbýlis í bænum og með fasta búsetu á lögbýlinu.

Umsókn um leyfi skal fylgja yfirlýsing umsækjanda um að búfjárhaldið sé að öllu leyti á ábyrgð hans og hann skuldbindi sig til að hlíta ákvæðum samþykktar þessarar. Í umsókn skal m.a. gera grein fyrir tegund og fjölda búfjár, sem óskað er leyfis fyrir og hvernig vörslu og